



Aqqalu C. Jerimiassen

UKA 2022/70

Atassut

13. oktober 2022

Inatsisartut aalajangiiffigisassaattut siunnersuut, Naalakkersuisut peqquneqassasut misissuissasut Royal Arctic Line Kalaallit Nunaannut avammullu assartuinissamut sullissinissamik akuersissutaata atuukkunnaarsinneqassappat pitsaaqutissai ajoqqutissaalu, taamatuttaarlu assartuinnermut unammilleqatigiinneq eqqullugu. Misissuineq takussutississavaa sullissinissamik akuersissut peerlugu unammilleqatigiinnermillu eqqussineq aningaasatigut kingunissai qanoq isikkoqarnersut. Misissuineq Inatsisartunut UKA 2023 nallertinnagu tunniunneqassaaq.

(Inatsisartunut ilaasortaq Jens-Frederik Nielsen, Demokraatit)

Assartuinikkut akit oqinnerusumik inissisimatillugit sumiluunniit ineriartorneq ingerlalluarnerusinnaanera qularnanngilaq.

Uanilu nunatsinni assartuinikkut kisermaassisussaataaneq atuutsillugu akitigut unammillersinnaaneq ataasinnguamilluunniit allannguuteqarunnaangilaq.

Royal Arctic Line ukiorpanngortuni kisermaassilluni ingerlajuarnera immaqa piffissanngulersimavoq nalilersussallugu, nunanit allanit unammillerneqarsinnaanerup assartuinikkullu akikinnerusumik inississinnaanera piffissami aggersumi pisariaqaleraluttuinnartut taaneqarsinnaavoq.

Nunatsinnimi suut tamarmik akitsoraluttuinnartumik inissiffianni, atugassarititaasunut oqilisaasariaqalernissaq naalakkersuisut ammaffigisinnaalertariaqaraat pisariaqarsorinarpoq.

Uanilu siunnersuuteqartut Atassummiit taamaattumik siunertarisaat soqutiginaateqartipparput, sulilu pisariaqartillugu suliat ingerlariaqqissinnaanerani naalakkersuisut inatsisartunilu ataatsimiitsitaliat oqaloqatigiilluarnerusariaqartut.

Taamaattumik taamatut Atassummiit naatsunnguamik oqaaseqaateqarluta, siunnersuut Sanaartornermut ataatsimiitsitaliamut innersuupparput.